


Euskadi Ta Askatasunaren agiria Euskal Herriari



na deusetarako ahanzi gabe, Euskal Herriaren etsaiek gure herrian egituratzea lortu baitute mendetako zampaketa onorioz. Hainbateraino, ze bizi dugun okupazio militarra bera ere ikusezin bilakarazi baitute euskal herritar askorentzat).

Euskal Herriaren aldeko indarrak beren kabuz eragitea zer den ikasten ari dira. Euskal gizartearen sortutako bultzada eta giro berria askorentzat ipar-izar berri bilakatu da, eta Euskal Herriaren etsaiek gero eta zailtasun haundiagoa dute beren proiektu espainiar-frantses irenslea eta egoera berri honek sortzen dien deserosotasuna ezkutatzeko. Euskal Herriak askatasunera daraman bide zuzenean ematen duen urrats bakoitzeko, bere hitza argi adierazten duen bakoitzeko, bere duintasuna agertzen duen bakoitzeko amorratzen jartzen dira eta erabilgarri dituzten tresna ia guztiei -politikoei, ekonomikoei, komunikabideakoei- eragiten diete. Ia guztiei diogu, tresna militarra hor mantentzen dutelako, «tankeen» eta garai bateko «sable zaraten» mehatxua gauzatu gabe; baina egon hor daude eta Euskal Herriaren askatasunerantzako urratsak errotik mozteko prest gainera. Ez dezagun ahanzi.

Hona hemen bost hilabeteotan egindako ibilbidearen zenbait mugarri:

■ «Lizarra-Garaziko Hitzarmena» izan zen iraileko su-etenearekin batera indar harreman berrien ispilu nagusia. Lizarran eta Garazin sinatu eta garatutako hitzarmen horretara bildutako indarrek Euskal Herriak jasaten duen zampaketa konponketarako oinarriak jarri eta adostasunak bildu zituen. Gehiago biltzeko atea zabalik dudelarik.

■ Urrian Araba, Bizkaia eta Gipuzkoan egin ziren hauteskundeetan, eta horien ondorioz, Euskal Herrian egituratzen ari den indar-harreman berriak bultzada hartu zuen. Gainera, EAJko Ibarretxeren Gobernuak bere kudeakuntza kutsu haundi

EAEko Gobernua

■ ■ ■ «EAJko Ibarretxeren Gobernuak bere kudeakuntza kutsu haundi horrekin erraztu dezake Euskal Herriaren subiranotasuna ekarriko duen marko berri batetarako transizioa»

Euskal presoak

■ ■ ■ «Haien aldeko ekimenek garbi utzi dute gehiengoaren nahia errespetatua izan dadin bermerik ez dutela ematen menpean gaituzten bi estatuek»

horrekin erraztu dezake Euskal Herriaren subiranotasuna ekarriko duen marko juridiko-politiko berri batetarako transizioa. Horixe izan beharko luke Gobernua osatu edota babesa ematen dioten alderdi eta antolakundeen zeregin nagusia, zatiketa estatutariotik, «zaindaritzapeko autonomia»tik, herri eraikuntzan oinarritutako politika eskuzabala burutzea, interes partidistak albo batera utziz.

■ «Bai Euskarari»rekin euskal herritarrek etorkizuneko Euskal Herriaren oinarri nagusienetako izango den euskararen inguruan hitz argi adierazi zuten adostasun sozial eta politikoa nagusia bilduz. Euskara orainarteko erresistentzia egoeratik atera eta gizarteko atal guztitan hedapena eta berreskurapena ziurtatzeko egingo diren urratsek gizartearen babes zabala dute. Eztabaida ez baita izan behar orainartean nork zer egin duen, edo nork egin duen gehiago, baizik eta Euskal Herriko hizkuntza, «lingua navarrorum» hori, gizarte hiz-

kuntza betea izan dadineko zutoin sendoak jartzeko egin behar den lan eskerga eta eskeini behar den konpromezu mugagabea nola bideratu. Euskarak Euskal Herrian bertan etsai argiak dituela ahanzi gabe.

■ Euskal preso politikoen aldeko ekimen desberdinek, beren aldetik, gauza bi utzi dute garbi. Bate-tik, euskal gizartearen nahi argia artikulatzeko ahalmena badagoela. Bestetik, nahi hori errespetatua izan dadin inolako bermerik ez dutela ematen menpean gaituzten Estatu biek. Trufa eta iraina dabilte herriaren gehiengoaren aurrean. Ezintasuna eta etsipena hedatu asmoz.

■ Lapurdi, Baxenafarroa eta Zuberoa bilduko lituzkeen euskal departamenduaren aldeko borroka, bere aldetik, ohiko zatiketak eta alderdiz-alderdiko iritzi banaketa gainditu du, euskal gizartearen nahi argia adieraziz honetan ere. Eta presoen gaian bezalatsu errefusa eta urduritasunez erantzun dute agintariek.

■ Egiten dugun irakurketa honetan denbora arau dugularik, azkenik, hainbat kalapita eta neurritz kanpoko erreakzio eragin duen «Euskal Herriko Udaltzaren Biltzarra» dugu. Gaurdaino egindako bidean mugarri garrantzitsua izan zen otsailaren 6an Euskal Herriko hiriburuan sortu

zen Biltzarra. Mugarri, egun horrezaz gero, eta lehen aldikotz, euskal lurralde guztiak bere baitan biltzen dituen instituzio egitura eskuratu baitute euskal herritarrek. Mugarri ere, euskal gizarte osoan bateragarri diren gaien inguruan azterketak eta erabakiak hartzeko egitura delako eta, batez ere, etorkizunari begira egitura iraunkor gisa agertzen delarik, bere lane-tako bat Euskal Herriaren etorkizuneko instituzio egituraketa zer nolakoa izango den hausnartzea bere lanen artean duela-ko.

Ibilbidea nondik nora daramagun argi erakusten duten mugarriak dira, bai. Eta, hala ere, deus funtsezko ez da aldatu. Halaxe da. Espainia eta Frantziarekiko loturak hor daude, beraiekiko kolaborazio guneak zenbaezinak dira, eta kimutzen ari den euskal-egituraketa berri horrek munduko bi Estatu botere-tsuenek gurean indarrean eta indarrez mantentzen duten tresneria izugarriari aurre egin behar dio. Eskubide demokratikoen defentsak eta Euskal Herriaren nahiaren adierazpenak ematen duen zilegitasunak erakusten dute gure herria askatzeko borroka eraman behar duen norabidea. Oraindik, asko dago egiteko, asko eteteko Espainia eta Frantziarekiko eta asko lotzeko Euskal Herrian.

Alderdi politikoen eta Gobernuen iharduera

Ibilbide honetan, eta alderdi politikoei so eginenez, hiru jarrera moeta antzeman dugu. Bate-tik Euskal Herriaren eraikuntza lanetan gero eta ausartago abiatzen ari diren alderdiak: EAJ, EA, AB eta HB; bestetik, hastapenean epel edo ausart baina gutxinaka gutxinaka hozten joan diren alderdiak: IU eta CDN (heldu den ekainean Araba, Bizkaia, Gipuzkoa eta